

陳忠裕公全集

五十二冊

陳忠裕公

全集

嘉慶八年斡山草堂鋟板

欽定勝朝殉節諸臣錄

乾隆四十一年頒行

御製詩

有序

昨以勝國殉節之臣各能忠於所事不可令其湮沒
不彰特勅大學士九卿等稽考史書核議予諡入祠
以昭軫慰其建文諸臣之死事者並命甄議茲大學
士等議上錄其生平大節表著者予以專諡餘則通
諡爲忠烈忠節次則通諡爲烈愍節愍統計一千六
百餘人若諸生韋布未通仕籍及姓名無考如山樵
市隱之流則入祀所在忠義祠統計又二千餘人各
爲一冊進覽之均爲允協因名之曰勝朝殉節諸臣

錄冠以所頒諭旨附載廷臣議疏彙刊頒行俾天下
後世讀史者有所考質夫以明季死事諸臣多至如
許迥非漢唐宋所可及錄而旌之亦累朝所未舉行
似亦足以褒顯忠貞風勵臣節固不必如張若淮所
請之徧行查訪徒滋紛擾致無了期且卽再入數千
人於表章大義亦無所增減廷臣駁議惟韙亦并載
之爰題詩簡端用示大意

信史由來貴輝彰勝朝殉節與簪薌五常萬古旣云樹

潛德幽光允賴揚等度早傳遼及宋

宋李若水從欽宗至金營不屈而死

金人相與言曰遼國之亡死義者十數南朝惟李侍郎一人

後先直邁漢和唐諸臣

泉壤應相慶捨死初心久乃償

專諡

兵部右侍郎兼翰林院侍讀學士陳子龍華亭人爲
紹興推官定東陽民亂擢給事中屢陳時計後以
結太湖兵舉事應浙閩被執乘閒投水死

陳子龍學問淹通猷爲練達貞心可諒大節無虧
今諡忠裕

許遇非淺青未解用及錄而解之亦爲編所
似今鑑忠節忠貞無助也
請則予歸學問飛豎幽微錄豈真心直節天誦無
入薛太師其舉專憲湘湖蘇與乘則豈亦張
二深與辨宮室東劉升猶辨命申中凱刺朝信對以
具相音滑取兼備林林劉尚南學士則竹歸草亭人
不
專錄

泉聖識林與蘇強味必入代節及充

乾隆四十一年 月 日禮部頒發專諡文

皇帝制曰取義成仁式著艱貞之烈易名表行爰昭獎
錫之公眷致命之可風曩迹未湮於異代期扶綱
之攸賴休稱允協於千秋爾故明兵部右侍郎兼
翰林院侍讀學士陳子龍砥行能堅秉誠克裕遭
時坎坷恒仗節以無撓殉義從容竟捐生而不悔
朕攬披信史軫念忠徽予褒顯於崇祠用隆秩祀
示表章於往籍載錫嘉名象厥生平諡爲忠裕於
戲瀾流芳於廉頑立懦死竟重於泰山彰定論于
世遠風微榮更逾于華袞幽光特闡鑒當年皎日

之心正氣咸伸勵萬古疾風之節欽茲茂典慰爾
英靈滿堂烈廟肅立肅天章重外練山遊寶簡午
示表章效亦辭雖靈氣各秉烈坐平鑑誠忠符效
類難封節吏鍾念忠潛下夏德外崇厥祀劉恭
朝社匪野為滯以無德與義翁容儀掛坐而不謝
備林劉樹蘭舉士刺于諸州行遊聖乘焉哀谷
之列勝者靡此謝位下越爾姑即其精台特願
嚴之公睿凝命之百風擬靈未動外異外開夫
皇帝時曰如鏡如日大善曠貞之德息各夫行長
彈劉四十一平 八 日

明史本傳

陳子龍字臥子松江華亭人生有異才工舉子業兼治詩賦古文取法魏晉駢體尤精妙崇禎十年進士選紹興推官東陽諸生許都者副使達道孫也家富任俠好施陰以兵法部勒賓客子弟思得一當子龍嘗薦諸上官不用東陽令以私憾之適義烏奸人假中貴名招兵事發都葬母山中會者萬人或告監司王雄曰都反矣雄遽遣使收捕都遂反旬日間聚衆數萬連陷東陽義烏浦江遂逼郡城旣而引去巡撫董象恒坐事逮代者未至巡按御史左光先以撫標兵命子龍爲監軍討之

稍有俘獲而遊擊蔣若來破其犯郡之兵都乃率餘卒三千保南砦雄欲撫賊語子龍曰賊聚糧據險官軍不能仰攻非曠日不克我兵萬人止五日糧奈何子龍曰都舊識也請往察之乃單騎入都營責數其罪諭令歸降待以不死遂挾都見雄復挾都走山中散遣其衆而以二百人降光先與東陽令善竟斬都等六十餘人於江潯子龍爭不能得以定亂功擢兵科給事中命甫下而京師陷乃事福王於南京其年六月言防江之策莫過水師海舟議不可緩請專委兵部主事何剛訓練從之太僕少卿馬紹愉奉使陞見語及陳新甲主款事王

曰如此新甲當恤廷臣無應者獨少詹事陳盟曰可因命子恤且追罪嘗劾新甲者廷臣懲劉孔昭殿上相爭事不敢言子龍與同官李清交章力諫事獲已未幾列上防守要策請召還故尙書鄭三俊都御史易應昌房可壯孫晉並可之又言中使四出搜巷凡有女之家黃紙貼額持之而去閭井騷然明旨未經有司中使私自搜採甚非法紀乃命禁譌傳誑惑者子龍又言中興之主莫不身先士卒故能光復舊物今入國門再旬矣人情泄沓無異昇平清歌漏舟之中痛飲焚屋之內臣不知其所終其始皆起於姑息一二武臣以至凡百政令

皆因循遵養臣甚爲之寒心也亦不聽明年二月乞終
養去子龍與同邑夏允彝皆負重名允彝死子龍念祖
母年九十不忍割遁爲僧尋以受魯王部院職銜結太
湖兵欲舉事事露被獲乘閒投水死夏允彝字彝仲弱
冠舉於鄉好古博學工屬文是時東林講席盛蘇州高
才生張溥楊廷樞等慕之結文會名復社允彝與同邑
陳子龍徐孚遠王光承等亦結幾社相應和崇禎十年
與子龍同成進士授長樂知縣善決疑獄他郡邑不能
決者上官多下長樂居五年邑大治吏部尙書鄭三俊
舉天下廉能知縣七人以允彝爲首帝召見大臣方岳

貢等力稱其賢將特擢會丁母憂未及用北都變聞允
彝走謁尙書史可法與謀興復聞福王立乃還其年五
月擢吏部考功司主事疏請終制不赴御史徐復揚希
要人旨劾允彝及其同官文德翼居喪受職爲非制以
兩人皆東林也兩人實未嘗赴官無可罪吏部尙書張
捷遽議貶秩調用未幾南都失彷徨山澤閒欲有所爲
聞友人侯峒曾黃淳耀徐汧等皆死乃以八月中賦絕
命詞自投深淵以死允彝死後二年子完淳兄之旭並
以陳子龍獄詞連及亦死而同社徐孚遠舉於鄉因松
江破遁入海死於島中

祠墓

青浦縣志忠義祠在學宮左側乾隆四十九年教諭王

希伊建

王希伊奉安忠義祠三公文維乾隆四十九年歲次甲辰十一月壬子朔青浦縣知縣康杰縣丞邊見龍主簿戴陞朝儒學教諭王希伊訓導

朱澍功生員陸熙等謹以釋菜之禮奉安

錫列祀典敬甫孫公

錫謚烈

愍公祭孫公

錫謚忠裕大博陳公神位于忠義祠永惟三公大節清名危言

直道遺烈所在千載如生爰始爰謀合亨斯室仲月之吉神位告成敢合僚吏率諸生以禮告于祠下蘋蘩在列誠意感通三公有靈尚克歆顧謹告

青浦縣志明兵科給事中陳子龍墓在廣富林

孫鳳鳴陳忠裕公墓

用碑記鳳鳴自幼誦陳黃門先生之文洎覽史傳並仰風義卓犖未嘗不竊竊然心嚮往之方謂先生生有雄才死有峻節天必昌其後綿其祀傳祭田於佳城石柳間庶無餒而之痛乎丁未夏承乏青浦適當先生之鄉訪其祠邑無專祠近賴教諭王公希伊將明季殉難二孫公同建祠于賢宮之左以棲神焉訪其墓則在富林之東阡僉謂昔年墓旁祀產計有十四畝以奉烝嘗而為田鄰盜據久矣訪其孫則曰絕矣嗟乎向嘗為先生心嚮往之者今不覺為先生悲悼也迺邑之紳士矢志闡幽援戶部郎中楊嗣曾改嗣徐姓例請以先生五世外孫金山庠生王錫瓚之子後昆為先生五世孫曰藻嗣爰具詳以奉先生祀又據諸生沈寅谷等

呈請追產甚力因爲確訊定案歸田以供先生祠墓之祀而後先生奉祀有孫祭
墓有產或可稍稍無憾于地下而鳳鳴幼誦先生之文仰先生之義者或可稍稍
報職于神明矣敬勒貞珉用垂久遠系以詩曰 帝錫專諡黃門與焉號曰忠
裕節炳由拳塋築富林壘疊馬鬣世有祭田鄰盜爲業雲仍不繼抱餒九原置祠
追產如水歸源掃哉後賢服 嶠母怠龍護松楸兼禁樵採

青浦縣志 廟 吳林益 事 中 興 于 諸 墓 各 遺 冢 林

青浦縣志 忠 義 節 義 師 查 學 宮 六 樹 黃 劉 四 十 八 年 錢 歸 王

各集原序

括起堂稿序

臥子年弱冠而才高天下其學自經史百家言無不窺其方自騷賦詩歌古文詞以下迨博士業無不精造而橫出天下之士亦不得不震而尊之矣然余嘗謂人曰臥子千古才吾代一大家也則然疑半焉其然之者徒以遊于其內不得不推其高且大而疑之者亦未必果有說以相難也曰某某諸大家豈復人所敢望而及哉臥子獨河人也山居者不信有如城之魚水居者不信有千尋之本亦誠然無怪矣余聞爲臥子思之以臥子